

紅樓夢圖詠



紅樓夢圖詠



華亭改士鄉先生時字伯韞號玉壺外史天姿英敏詩詞書畫
並臻絕詣來上海下榻於李簡齋先祿公園時先祿為風雅
主盟東南名宿咸來止之文瀝之盛幾同平津東園先生任
李氏所凡卷冊中惟紅樓夢圖為生平傑作其人物之工
穉偉景之精雅可與六如章侯抗行先祿臨秘特甚每
圖情狀既顯詠當時即擬刻以傳世而先祿旋歸道山圖
冊遂傳於外前年冬予從孫章歸里購得此冊急付子民
以傳之時先緒己卯夏六月淮浦居士記



紅樓夢圖詠第二冊

通靈寶石絳珠仙姑

姜畧頌
春福題

黛玉

孫坤題

元春

周綺
沈耀鈴題

惜春

瞿應銘題

妙玉

王希廉
袁桐題

迎春

王希廉題

警幻仙子

顧恒
長春題

寶釵

羅鳳藻題

探春

劉樞
武念祖題

史湘雲

張問陶
元著
周綺題

王熙鳳

武念祖題

巧姊

徐渭仁題

通靈寶石
絳珠仙草



蝸皇一笑春濛濛五文星骨飄太空碧絲縛
繭天無功深山如人泣露紅攜手荒雲一爾
汝夜心期拜牛女明月三生玉自溫春風百
種花同語羅帕灰飛夢不圓瓊樓冷綠催
行煙芳情不死億萬年含靈結怨通真僊

丙子除夕香瓦樓主舉



石自通靈州解愁情天如夢渺
紅樓尊空北海虛前約香散南
豐憶督遊看到子孫能幾輩
遺將翰墨足千秋披圖無限
黃壚感青淚非閨兒女流

紅樓夢畫象四冊先師玉壺外史醉心
悅魄之作簡香李光祿所藏光祿好客如

仲舉凡名下並詣海上者無不延納焉憶丁
亥歲薄游滬瀆訪先祿於綠波池上先師
亦打漿由滬東來題於問字頗極聊交之
歡暇日曾假是冊快讀數十周越一季先師
先祿相繼歸道山今墓木將拱圖畫易主
重獲展對漫吟成句感時傷逝淒過山
陽聞遂矣道光癸巳夏五月下浣客上洋
官解之画禪琴趣室駐雨孤坐并志
真末玉峯隱梅道人顧春福



警
幻



恨窟情天雨覆雲翻豈有盡期記高唐一枕真
原是假遊仙兩度我竟為誰斟酌悲歡裁量思
怨風月憑伊好護持釵鈿冷有彩雲一曲說盡
相思蛾眉憔悴如斯看花落何能返故枝嘆
鶯歌燕舞量金難買紅愁綠慘織淚成絲收拾
殘棋仍還故我蝴蝶芳魂乍醒時雲中笑問茫
茫世界可要情癡調寄沁園春

丙子冬杪題

顧恒奎士甫




孽海情天兩渺茫
尤靈殢雨綰荒唐
悲歡何與神僊事
抵死催人早散場
兒女纏綿亦可哀
心香燒盡未成灰
近來癡寢濃吟絮
只恐晨鐘喚不回

警幻仙子

長春





英皇夜汎紅絲愁寒入瀟波孺蘭質承淚幽皇點一點一生盡是含愁
日卿家少小尚粧樓薄命梨花不耐秋故國高堂俱早世外家戚里盛
通侯迨一旦香車至蘭綺繁華照天地長日雖邀掌上憐面風誰識心
中事名園春色到瑤臺雅蝶嬌鸞作隊來賞月不關金屋成酹花爭泛
玉交杯眾中別有幽心處宜笑宜嗔總無據紅燭宵深憶過尋綠意畫
靜同低絮從來幽恨已難禁從此閑愁日又深當戶每憎鸚舌喚斷腸
唯慳鳳牋吟閨中女伴稱詩格漫許才華世無敵誰道風批月抹詞無
雅粉泣珠啼迹雨過雕欄取次行落紅滿徑又傷情封泥為築埋香塚
殺粉親書瘞玉銘歸來日日無言空痛病殘粧強梳裏意緒唯應獨自
知淚絲時背旁人墮一點孤燈黯結橈輕魂容易逐罡風笙歌何處金
堂沸環珮今宵繡閣空平泉回首傷遺事廿九紅心愁滿地瘦影伶俜
望不來夕陽猶鎖林散筠翠

丙子老月 漱厂孫坤題






豔冠羣芳推絳紗風流嫵媚暈朝霞瑤宮仙蕊知
多少此種溫推第一花泥人風韻本天然秀色明々若
可餐解識芳蘭真竟體阿儂剗服冷香丸宮麝新
須一串金濃香染袖貽深々一隻玉腕白於雪忍俊有人
情不禁一種溫柔偏蘊藉十分渾厚恰聰明檀奴何福
能消受空賺紅顏誤此生

癸未長至羅鳳藻柳山氏題

於梨雲館



元春



榭房更比碧天深
春不常留恨不禁
修到紅顏非薄命
此生又缺女兒心
已亥初冬上浣
綠君女史周綺題

